



11 Oktober 2012
11 October 2012
P.U. (A) 329

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN PERBADANAN PENGURUSAN LIKUIDITI ISLAM ANTARABANGSA (KEISTIMEWAAN DAN KEKEBALAN) 2012

INTERNATIONAL ISLAMIC LIQUIDITY MANAGEMENT CORPORATION (PRIVILEGES AND IMMUNITIES) REGULATIONS 2012



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA PERBADANAN PENGURUSAN LIKUIDITI ISLAM ANTARABANGSA 2011

PERATURAN-PERATURAN PERBADANAN PENGURUSAN
LIKUIDITI ISLAM ANTARABANGSA (KEISTIMEWAAN DAN KEKEBALAN) 2012

SUSUNAN PERATURAN-PERATURAN

Peraturan

1. Nama dan permulaan kuat kuasa
2. Tafsiran
3. Keistimewaan dan kekebalan Perbadanan atau suatu subsidiari
4. Keistimewaan dan kekebalan ketua pegawai eksekutif Perbadanan
5. Keistimewaan dan kekebalan wakil kepada anggota Lembaga Pengelola dan orang yang ditauliahkan kepada, atau yang menghadiri persidangan atau mesyuarat yang diadakan oleh, Perbadanan sebagai wakil kepada anggota Perhimpunan Agung
6. Keistimewaan dan kekebalan orang yang berkhidmat dalam jawatankuasa Perbadanan
7. Keistimewaan dan kekebalan pegawai Perbadanan
8. Keistimewaan subsidiari, syarikat tujuan khas, amanah atau dana Perbadanan, atau orang lain berhubung dengan sekuriti Islam yang diterbitkan atau dijamin oleh Perbadanan, subsidiari, syarikat tujuan khas atau amanah atau dana Perbadanan
9. Keistimewaan pegawai subsidiari, syarikat tujuan khas atau amanah atau dana Perbadanan

AKTA PERBADANAN PENGURUSAN LIKUIDITI ISLAM ANTARABANGSA 2011

PERATURAN-PERATURAN PERBADANAN PENGURUSAN
LIKUIDITI ISLAM ANTARABANGSA (KEISTIMEWAAN DAN KEKEBALAN) 2012

PADA menjalankan kuasa yang diberikan oleh seksyen 7 Akta Perbadanan Pengurusan Likuiditi Islam Antarabangsa 2011 [*Akta 721*], Menteri Luar Negeri, dengan persetujuan Menteri Kewangan, membuat peraturan-peraturan yang berikut:

Nama dan permulaan kuat kuasa

1. (1) Peraturan-peraturan ini bolehlah dinamakan **Peraturan-Peraturan Perbadanan Pengurusan Likuiditi Islam Antarabangsa (Keistimewaan dan Kekebalan) 2012**.

(2) Peraturan-Peraturan ini disifatkan telah mula berkuat kuasa pada 25 Oktober 2010 kecuali bagi subperenggan 3(*b*)(ii), perenggan 4(2)(*d*) dan 7(2)(*d*).

Tafsiran

2. Bagi maksud peraturan 7 dan 9, “pegawai” ertinya seorang pegawai pada pangkat eksekutif dan ke atas.

Keistimewaan dan kekebalan Perbadanan atau suatu subsidiari

3. Perbadanan atau suatu subsidiari yang diberikan taraf organisasi antarabangsa di bawah subseksyen 6(1) Akta hendaklah mempunyai kesemua keistimewaan dan kekebalan yang dinyatakan dalam Jadual 1 kepada Akta, tertakluk kepada syarat-syarat yang berikut:

(*a*) peraturan ini tidak memberikan Perbadanan atau suatu subsidiari, mengikut mana-mana yang berkenaan, kekebalan yang dinyatakan dalam perenggan 1 Jadual 1 kepada Akta berkenaan dengan apa-apa guaman atau proses undang-undang yang lain yang timbul daripada kontrak pekerjaan dengan pekerjaanya;

(b) barang yang diimport atau dieksport di bawah subperenggan 5(a) Jadual 1 kepada Akta atau barang buatan tempatan yang diperoleh di bawah subperenggan 5(b) Jadual 1 kepada Akta atau penerbitan rasmi yang diimport atau dieksport di bawah subperenggan 5(c) Jadual 1 kepada Akta—

- (i) hendaklah di bawah nama Perbadanan atau subsidiari, mengikut mana-mana yang berkenaan;
- (ii) tidak dijual atau dipindah hakmilik kepada orang lain melainkan semua duti atau cukai telah dibayar sepenuhnya terlebih dahulu oleh Perbadanan atau subsidiari, mengikut mana-mana yang berkenaan, kepada pihak berkuasa yang berkaitan sekiranya barang berkenaan dijual kepada pembeli tempatan yang tidak layak menikmati kemudahan pengecualian duti dan cukai yang sama; dan
- (iii) hendaklah dimasukkan ke dalam senarai inventori Perbadanan atau subsidiari, mengikut mana-mana yang berkenaan, bagi tujuan pemeriksaan oleh mana-mana pihak berkuasa yang berkaitan bila perlu.

Keistimewaan dan kekebalan ketua pegawai eksekutif Perbadanan

4. (1) Seseorang yang menjadi, atau sedang melaksanakan kewajipan, ketua pegawai eksekutif Perbadanan hendaklah mempunyai kesemua keistimewaan dan kekebalan sebagaimana yang dinyatakan dalam Bahagian I Jadual 2 kepada Akta.

(2) Bagi maksud perenggan 7 Bahagian I Jadual 2 kepada Akta, hak untuk mengimport satu kenderaan motor hendaklah tertakluk kepada syarat-syarat yang berikut:

- (a) kenderaan motor hendaklah didaftarkan atas nama ketua pegawai eksekutif Perbadanan;

- (b) kenderaan motor hendaklah digunakan oleh ketua pegawai eksekutif Perbadanan;
- (c) kenderaan motor boleh dieksport semula oleh ketua pegawai eksekutif Perbadanan setelah perkhidmatannya tamat; dan
- (d) duti dan cukai terlibat hendaklah dibayar sepenuhnya terlebih dahulu, sekiranya kenderaan berkenaan dijual kepada pembeli tempatan yang tidak layak menikmati kemudahan pengecualian duti dan cukai yang sama.

(3) Seseorang yang tidak lagi menjadi, atau terhenti untuk melaksanakan kewajipan, ketua pegawai eksekutif Perbadanan hendaklah mempunyai kekebalan sebagaimana yang dinyatakan dalam Bahagian II Jadual 2 kepada Akta.

Keistimewaan dan kekebalan wakil kepada anggota Lembaga Pengelola dan orang yang ditauliahkan kepada, atau yang menghadiri persidangan atau mesyuarat yang diadakan oleh, Perbadanan sebagai wakil kepada anggota Perhimpunan Agung

5. (1) Seseorang yang menjadi wakil kepada anggota Lembaga Pengelola dan sedang melaksanakan kewajipannya menurut Perkara Perjanjian hendaklah mempunyai kesemua keistimewaan dan kekebalan sebagaimana yang dinyatakan dalam Bahagian I Jadual 3 kepada Akta.

(2) Seseorang yang ditauliahkan kepada, atau yang hadir di sesuatu persidangan antarabangsa atau mesyuarat yang diadakan oleh, Perbadanan sebagai wakil kepada anggota Perhimpunan Agung hendaklah mempunyai kesemua keistimewaan dan kekebalan sebagaimana yang dinyatakan dalam Bahagian I Jadual 3 kepada Akta.